


Headline	MIMOS berhasrat luaskan rangkaian rakan usahasama
Date	09. Jan 2008
Media Title	Majalah PC
Section	NEWS
Circulation	2500
Readership	5000
Language	MALAY
Page No	29
Article Size	546 cm²
Frequency	Monthly
Color	Full Color



MIMOS Berhasrat Luaskan Rangkaian Rakan Usahasama

Lebih ramai pemain industri dan penerima berpotensi serta Forum Teknologi MIMOS 2007.

Sehubungan dengan hasrat meluaskan rangkaian rakan usahasama di dalam industri, MIMOS baru-baru ini mengadakan Forum Teknologi MIMOS 2007 yang disertai lebih 200 pemain industri dan penerima teknologi berpotensi seluruh negara. Forum yang berlangsung di Taman Teknologi Malaysia itu turut dihadiri dan dirasmikan oleh Timbalan Menteri Sains, Teknologi dan Inovasi, Dato' Kong Che Ha.

Tujuan Forum Teknologi MIMOS itu diadakan adalah untuk menarik lebih banyak pemain industri utama dan penerima teknologi berpotensi menyertai perlesenan dan komersialisasi teknologi MIMOS. Ia juga untuk meluaskan rangkaian rakan usahasama MIMOS serta berkongsi input pasaran, pembangunan dan maklumbalas.

Ia mensasarkan pemain industri utama dalam telekomunikasi dan informasi serta sektor teknologi komunikasi (ICT) tempatan mahupun syarikat multinasional.

Tawaran itu juga dibuka untuk penerima teknologi berpotensi yang lain untuk perlesenan dan komersialisasi MIMOS, sekali gus meluaskan rangkaian rakan usahamanya.

Fokus MIMOS dalam penyelidikan gunaan berdasarkan pasaran untuk teknologi baru ini adalah bagi peningkatkan secara global industri tempatan. Ia boleh dilakukan menerusi kolaborasi antara komuniti penyelidik dan industri berdasarkan teknologi yang ingin membuat penambahan nilai dalam rantai teknologinya.

"Forum Teknologi MIMOS merupakan satu lagi



langkah untuk merealisasikan visi kami sebagai pusat penyelidikan utama teknologi baru di dalam industri," kata Dato' Abdul Wahab Abdullah, Presiden dan CEO MIMOS.

Antara topik yang dibincang di dalam Forum Teknologi MIMOS ialah WiMAX Mobil yang memfokuskan tentang teknologi WiMAX dan cabarannya kepada industri di Malaysia; Memastikan Keselamatan Komunikasi Dengan dan Tanpa Enskripsi Berasaskan Kunci; Masa Depan Aplikasi Pengkomputeran Grid; Menyusuri Gelombang Semantik; dan Rangkaian Isyarat Wayarles MIMOS (WSN) dalam Pertanian.

Pakar Kecerdasan Pasaran (market intelligence) daripada organisasi penyelidikan bebas Frost & Sullivan, Gartner dan IDC turut berkongsi data pasaran sebagai sokongan kepada platform teknologi yang dibangunkan di MIMOS.

Pada majlis yang sama, MIMOS turut menandatangani perjanjian dengan rakan usahamanya yang pertama untuk perlesenan dan komersialisasi MIMOS. Ia juga sebagai langkah permulaan untuk lebih banyak penerima mengkomersialkan platform teknologi yang dibangunkan oleh MIMOS.

